

湖北通志



湖北通志



元

九宮山重建欽天瑞慶宮記碑

伏據松雪集錄入

九宮之山真人居之其山之高去地且四十里殆與人煙絕多壽木靈草幽花上藥蒼蔚蒼靡蒙籠蔓延於其上清冷之泉噴薄飛流於其下蓋遊仙之別所而栖真之福地也自真人之居是山禱焉而雨暘時祈焉而年穀熟故宋人築宮而嚴事之其事則司業易公之記可考矣已未江上之役兵既解而宮毀於盜冲隱大師封君大本與其徒思復于古昔拾瓦礫除荆棘度材鳩工作而新之適作妙應之殿殿西南嚮為淵靜之居東為方丈殿南為天光之堂其上曰朝元之閣閣西龍神殿東為藏室皆南嚮閣之南為

志一百五

金石十三元

一

仙遊之殿又南為通明之殿殿西為西廡廡西為道院其東亦為廡廡東廡之東為齋廚倉廩廡南為天聲之樓縣大鐘於樓中樓東西面又為道院庭西東面為朝真之館中庭為庫皇之壇壇南為碑亭亭南為三門門東為化土之局西亦如之三門之南為華表其東西皆屬以周廊門南為壺天之亭又南為天上九宮之門合數百間皆雄偉壯麗儼若清都縹緲觀深疑出塵境雖仙靈之宅陰有相者亦不可謂非人力之極致也當封君時則有若某某同其勞封君既老戴君繼之最後得法師羅君希結某某成其終由封君以來歷年三十更有道之士十數然後毀者復完廢者復興卓者崇之缺者增之百神之象祭酒之器養生之田鼓鐘幕帟供張之具視昔有加焉豈非難哉豈非難哉至元丁亥孟頫奉詔赴闕始識法師羅君於京師而又與余同邸舍居久之以記為請辭

不得乃敘其事而記之然余於此重有感焉使世之儒者不廢先

儒之說以正誼明道為心令議者不得以迂濶而非之則斯文當日新庠序當日興子矜之刺不作矣豈惟是哉使天下之人農工商賈皆不墜其先人之業各善其事則家日以益富生日以益厚安有壞家毀屋者哉余於此重有感焉故并書使刻之石後之人其尚思余言毋俾其成之難者敗於易也今天子崇信道德凡茲山之田皆已復其租矣衣食於山中者蓋亦思庶人帥子若弟終歲勤動以供賦役而吾乃得優遊逍遙茹蔬飲水以自樂其道宜何以報帝力哉羅君方以道術受知聖明其必有以也

在通山縣至元二十四年趙孟頫撰碑已燬

金石存佚考

洗墨池大字

寺正書在黃岡

志一百五

金石十三元

二

洗墨池

子瞻故有洗墨池予判黃之二年梅川張子長人言墨池就涇獨趙文敏手書三字猶存瓦礫中予聞大喜命與人移置東齋又三年為康熙己酉始從坡里坊求墨池遺址得之於是發以文石周以欄檻跨池為橋翼橋為亭而取文敏字揭之楹

西陝宋華

集頌

洗墨池三字趙孟頫正書無年月湖北黃岡碑錄

寶字訪碑錄

黃州洗墨池蛙口食墨而黑其說見楚故池為東坡遺跡廢且久予判黃時重加疏鑿更建竹樓雪堂於池傍祀王蘇諸公合

名曰宋賢祠

祠在黃岡

三角山資教禪寺增田記碑

佚

至元二十六年在鄂州

與國路學教授廳記碑

存正書在

與國路學教授廳記碑

與國路學教授廳記碑

興國爲郡環抱皆水而魚湖之利爲大故曰富川曰富水而出江之曰富池至元戊子余被命來此學舍既敝陋而學宮無公靡可居不得已而僦民屋去學宮頗遠朔望行香朋友會文皆不便或曰學之東偏舊有明德堂後易爲教授廳兵燹後瓦礫榛莽矣謀欲結數椽而窘於學計之不足及考之簿籍舊學有魚湖之利久爲豪個所據遂白之有司會府官主之儒臺是之行省明斷之始得復業於是事力稍紓乃度材庀工首修大成殿既又修廊宇

志一百五

金石十三元

三

修講堂葺齋舍補祭器朔學舍改立土地祠工役畢備然後剗荆棘築垣牆登石構室屋並事有廳退居有堂課子弟有塾介廳堂間作舫齋以款客庖湍廩廩略就次第暇日從容對遠山托平湖前有池蓮淨植後有窗竹陰森由是學官可以容膝士友可以盍簪矣或有笑於列者曰予可謂勞矣國朝以三載考績期及代且至奚必若是余曰不然一日必葺余之志也子毋謂勞充而大之是尙有望於後之君子至元庚寅季冬既望郡文學掾陳松年記并書

興國路學教授廳記郡文學掾陳松年撰并書至元二十七年

碑在興國州學

金石有

靈山院記

在江夏

靈山院記

書家

靈山院比丘尼來雪溪上作禮曰了慧住持下之心遂矣余辭之再三慧曰本院宋鄂國武穆下此記不屬之公則將誰屬余見其志益勤請益專詢其下餘祖德信山主聞之鄂州安撫使孟公琮發得其寶淳祐乙巳始其下藏殿門廡丁卯了慧嗣續住持下主表率闔境更相勸助緣創立佛殿修下以爲祝聖善之所也夫昔靈山會上釋迦拈花迦葉微笑罔明神指如足起下如是傳如是受如是作如是佛度佛各有證曰故號下帝時其法始入中國以死生禍福因緣爲說使人篤信傳之入王法下未真得其傳者世蓋寡矣後達摩至梁開基少林寺一階傾動天下王公下鼓人心

志一百五

金石十三元

四

見性成道了悟真頓達無爲所以燈燈續祖祖百古至今當下流通於人間天上接引後世學徒登蓮臺到彼岸釋教之傳至今而極其盛矣矧下鍊鑄燈侶影授受師傳爲住持以來行住坐臥之頃惟思闡振宗風故重下宇下之興非慧之力不能也故爲記其轍末勒之于石俾後來之人所自云大德四年庚子八月中秋日廣平黃希慶撰

襄陽路重修廟學記

襄陽路重修廟學碑銘并序

未見據嘉慶志錄入

翰林學士朝請大夫知制誥同修國史姚燧撰

大中大夫襄陽路總管兼管本路諸軍奧魯總管內勸農

事王良詞書

賁善大夫中書左丞行荆湖北道宣慰使史紅聚頌

聖元爲制凡士其名而儒其服不稼之民而殊其籍惟賁田租商徵自外身庸戶調無有所與者將百年於此矣世祖詔卽闕里聚孔顏孟三族置官而教之以俟其成德達才者垂三紀焉是皆無聞歷古而獨見之今者也陛下繼聖恢前皇之遠猷舉殿未修之典封衍聖公屢下明詔邊正貢莊學田俾完廟養老賁廩師生其於世聖人之冒學聖人之徒履軌漸濡德澤至矣府州縣曰爲之牧守令長者率以作新廟學爲政務先而恐風行聖化之後也襄陽宋之鄆城也金社既墟當歸吾元由於忽棄不成故宋寯築爲荆北門殆四十年世祖徵兵天下不忍微利一旦以開吾民包漢隄而城之視猶虎賁待其自警五年遷下則其受天兵也爲最久

志一百五

金石十三元

五

城門對矣廟學前火閭帥武臣因陋就簡而爲之不稱神居勢宜改爲田之在郊籍既失存民亦廢耕主吏去之無有知其所在所不敢視江南他州之有夙儲者其施力又若甚艱此前政所以苟於其事者惟總管陳衍經度之已而受更今總管陳義謀之吏民曰明詔如是吾方權輿表田募民覬利何時使是學魏德他州則二千石爲不職且受譴矣不眾爲之就緒無日吏此者割若俸戶此者捐若財應者譴然辭出若一帥守兵家亦勸赴功猶不足用取餘公裕治之二年聖哲中殿賢儒旁序門堂齋庖楹礎林立朔望春秋皆奠薦講肄鐘鼓有踐與節人之戾止新視易聽起所墮習而祇畏矣燧嘗過之拜其下庭猶有可轍馬者自唐開元配食顏子拔曾子於諸子以足十哲前宋則躋孟子與顏子並雖經百年未之或改後宋則益以曾子子思進子張於曾子之舊故江

之南位十哲上亞聖人者四焉宋平北方學者安顏孟而異曾思閭憲首請黜之富國之臣不然之也其後一倅爲憲河南是時襄陽未入山南猶其所進也不請而遂黜之由是廟配止顏孟自今以觀顏曾之於夫子同見而知伯魚前死則于思亦見而知者惟孟子後百有餘歲爲聞而知子思學曾子孟子學子思而得其道統之傳則曾思之功果不優於孟子乎顏氏前死有聖人者存未嘗爲書質之於經事十九見質夫子者纔一問仁與爲邦二焉一以修己一以治人他皆見稱於夫子與不待問而自謂之者也曾子述孝經大學子思作中庸孟子則自著七篇之書學者賴之至今爲書三子二子獨見黜是外其師而弟子是尊於聞而知者仍祀不變而顧後所見而知者焉皆不知爲何說也或曰子記汴學已議立顏路曾曾伯魚於序而坐三子堂上今何云然燧曰櫛所

志一百五

金石十三元

六

疑者以崇子而抑父弗安順於倫理非曰可併去之也今江之南已配享者可不請而黜之則江之北有功曾思者可不請而配享乎燧故嘗曰人臣有見列而上之則可若制度考文之事天子司之以宰國家遑於稽古之事維天下學禮之臣羣然議之必得所當義者而後可也侯磐石求銘奉議大夫山南北道肅政廉訪副使馬公照分刺是郡亦以侯嘗勤心宜若可言燧曰嗚呼是豈可易而爲乎哉孟子稱智足以知聖人者宰我子貢有若子貢有若則以爲自生民以來未有宰我則以爲賢於堯舜遠猶未曉言聖人之所由以然孔子語堯曰蕩蕩乎民無能名焉則遠賢堯舜者益難名矣然自孔子沒訖漢之世將八百年廟焉而不裨其見之金石者孝桓元嘉許魯相瑛置百石吏領禮器與孝靈建寧魯相晨奏依社稷出穀王家共禮祀一詔魏曹植始碑之唐則作廟

之州必碑最盛以厭就其善言者韓愈氏處州柳宗元柳州處州
曰自天子至於郡邑通祀遍天下惟社稷與孔子又曰仲尼之道
與王化遠邇二帝三王無以侔大不敢一言以贊其道無他蓋聖
人之道天也善言者繪工也於山川鳥獸草木之爲物與人執事
或可圖而肖之以語繪天設色而得其彷彿萬一者古今人無能
爲者也故惟著其始始而今完者以告夫後之人銘曰

維襄形勢始終一地視時屯亨而爲險易昔焉畫守負而江山動
天下兵五稔時頑時匪無學士日介冑以并天刑遘事俎豆皇輿
既邈江南海涯顧爲土中襟帶安施猶爲名城于漢之域惟廟弊
軌不堪瞻視帝奮文教誣告優優于學須材如獲仰稹是邦承流
其陳兩侯衍也經畫義成其績桓桓新宮實教所基嗟哉襄士洵
達何爲聖人遺言具在方冊口誦心維奚異親炙朝趨斯庭夕休

志一百五

金石十三元

七

斯廬亦奚以閒闕里即居行見接武賓興成德作之君師實帝之
力刻詩麗牲用示無極

重修廟學記姚燧撰王良嗣正書大德六年湖北襄陽

篆字訪碑錄

案右碑首行題襄陽路重修廟學碑銘并序第二行翰林學士
朝請大夫知制誥同修國史姚燧撰第三行大中大大夫襄陽路
總管兼管本路諸軍與魯總管內勸農事王良嗣書第四行資
善大夫中書左丞行荆湖北道宣慰使史杲篆額文後銘銘八
十字二十句後題大德六年二月既望襄陽路總管府題控案
牘程將仕佐郎襄陽路總管府知事李徵事郎襄陽路總管府
經歷張承務郎襄陽路總管府推官任承務郎襄陽路總管府
判官郝武路將軍同知襄陽路口管府事管領元來人匠官當
懷遠人將軍襄陽路總管府達魯花赤兼本路諸軍與魯總管

府達魯花赤兼內勸農事以上所列之官有姓無名者五又有
官無姓名者二案元史傳姚燧字端甫諡曰文至元八年始爲
秦王府文學未幾授奉議大夫至大元年除承旨學士尋拜太
子少傅辭不受明年授榮祿大夫翰林學士承旨知制誥兼修
國史四年告歸尋卒諡曰文今碑大德六年稱翰林學士朝奉

湖北金石詩注

大夫知制誥同修國史史失書
按記中所譏後皆改正嘉靖九年於大成殿後另立一堂祀啓
聖王以顏路曾皙伯魚孟孫氏配無崇子抑父之嫌矣雍正元
年封先師五代王爵改稱崇聖祠其大成殿配位東則顏淵子
思西則曾子孟子如元豐咸淳之制東西序則自咸淳三年以
子張升足十哲外康熙五十一年升朱子於西序之次乾隆三
年升有子於東序之次并詳今制於後以補記中所未及焉

志一百五

金石十三元

八

存佚考
勅封眞武詔書碑

佚據太和山紀略錄入

成帝大德八年三月勅封武當福地入屬職方靈應元天宜崇封
典瞻言眞武昔護先朝定都人馬之宮嘗見龜蛇之瑞雖昭應已
修於明祀而仙源未表於徽稱爰命太常議行褒禮謂元者善之
長聖德合於一元聖德化而神元功同於三聖拯濟民生而仁周
宇宙廓清世運而威暢風霆訂鴻名而旣加宣寵光而何忝於戲
天道主宰謂之帝帝室眷命受於天思皇多祉佑我無疆特加號
曰元天元聖仁威上帝
勅封眞武詔書碑正書額篆書大德八年三月在均州已佚

重建崇寧萬壽禪寺記

存正書
在隨州

大元隨州大洪山崇寧萬壽禪寺了菴明禪師重建寺記碑

應奉翰林文字將仕佐郎同知制誥兼國史院編修官鄧

文原撰

翰林待制朝列大夫同修國史賈汝舟書

海鏡弘慧大師傳天臺智者教誨經沙門僧儀蒙額

大覺能仁以慈忍精進利已利物而遊人間世以戒定慧訓諸門徒正心誠意而行其道故時愈久而愈彰益誼而益信自漢至今建幢樹剎幾遍寰宇天祕名山雲藏福地必假至人而啓發之蓋由正報既勝則所依之處宜狹劣哉茲山之興唐元和間慈忍靈濟大師傳馬祖心印下五頂峰符隨止洪住之讖休息于此民

志一百五

金石十三元

九

依福善深感其德奉以精舍山由是而名焉漢東之國隨爲大郡隨皆山以大洪爲宗大師之神異地之形勝寺之沿革與夫甲乙十方之論見於無盡居士之言屢罹兵燹化樓殿於灰礫山回嘉運必假人而興焉重開山第一代了菴卓禪師諱宗明江東上饒柳氏子志慕空寂依斬州多雲山廣化寺師事長老文仙難變受具進以善業一朝慕道先哲飄然振遊方之□至漢東卓菴於靈濟故址披荆榛而侶猿狖晏如也屬歲大旱一方之民拾橡而食請禱於師師懸望望以禪定力默起池龍雨亦隨至滂沛沾溉歲大有秋數年之間民歌屢豐實師之惠也議營棟宇答師之休由是維然而趨樂然而會治基之礎壘礪之崩未幾昔之所化者今復存矣翼翼飛臺渠渠夏屋巍然如七金山照映林谷雄偉壯麗聳動瞻瞻至於別館吹香銅魚喚粥檀施絡繹而供給焉至元二

十五年春知隨州傳君安國原師之德偕其徒宗才至京師謁大司徒伯興寺之由獲觀天顏對誦大般若經頒降聖旨護持勵興修之志師於元貞元年六月二十七日泊然而逝度徒弟五百餘人今住持宗上乃徒眾之上首志堅行潔服勤厥務大司徒秉人鑑之□謂能紹其緒績者必斯人也文□宣政院頒降聖旨凡修蓋護持師之未了者宗上悉罷了之壇場雲堂阿羅漢閣期於大備而後已吁豈天地萬物乘除於數而存諸其人耶抑山川之靈思革其故而謀其新邪不可得而知也昔靈濟以道存其誠斥龍濟早致茲剎之興今復以禱雨利民而興茲剎歷時雖遠皆出於深惠願力勤苦諸行然後成視昔世之豪家富宅畫棟朱櫺咄嗟可辦至於勢去時乖蕩無遺藥欲類吾浮屠氏更廢而迭興者幾希蓋由願力與勢力不侔耳故系之以辭辭曰

志一百五

金石十三元

十

至人不作 作必有則 立談垂範 惟一眞實 以眞實故 集其大成 正法眼藏 愈久愈明 震旦之區 實坊星布 像設尊嚴 大張治具 隨之西南 山曰大洪 盤基百里 俯視漢東 昔靈濟師 發軔於茲 中罹兵革 廢而後治 後數百年 了菴出焉 卓菴付龍 豐雨沛然 境民蒙福 乃構禪棲 美與美輪 雲繞璇運 紺殿耽□ 萬象悉納 翼以修廊 冠冕羣利 繫大司徒 法門砥柱 以大願力 相吾鐘鼓 冉冉緇□ 朝經暮禪 克昌道運 永壽堯天 龍蟄于山 豐凶所寄 □□帝力 爲民之利 洪山崇崇 湖水溶溶 磨石紀功 與山始終

□□大德九年乙巳中秋日

縣尉賈世清常裕從○隨縣并推勸農事郭從義教讀尉賈應遠等奉勸農事慈當納

奉訓大夫隨州知州兼勸農事張恭奉直大夫隨州達魯花赤兼勸農事帖木兒不花

昭信校尉安陸府管軍千戶傅天英

承務郎前隨州知州郭義重

開山功德主明威將軍前隨州知州傅安國

外護功德主光祿大夫大司徒兼領將作院使西方八卜口阿你哥

募緣徒弟口宗口石匠胡覺富等

當山嗣祖住持慈雲口口覆大師宗上立石

案右碑題大元隨州大洪山崇寧萬壽禪寺了菴明禪師重建

寺記二十二字爲一行又應奉翰林文字將仕佐郎同知制誥

兼國史院編修官鄧文原撰爲一行又翰林待制朝列大夫同

修國史賈汝舟書爲一行又海範弘慧大師傳天台智者教講

經沙門僧義篆額爲一行額已失文後繫銘銘後題大德九年

乙巳中秋日九字爲一行又題縣尉賈世賢主簿常秀從口口

隨縣尹兼勸農事郝從義教武校尉隨縣達魯花赤兼勸農事

忽魯納爲一行又題奉議大夫隨州知州兼勸農事張口秦奉

直大夫隨州達魯花赤兼勸農事帖木兒不花爲一行又題昭

信校尉安陸府管軍千戶傅天英爲一行又題承務郎前隨州

知州郭義重爲一行又題重開山功德主明威將軍前隨州知

州傅安國爲一行又題外護功德主光祿大夫司徒兼領將作

院使西方八十國阿你哥爲一行又末二行一行書募緣徒弟

口宗口石匠胡覺富等一行書當山嗣祖住持慈慈雲口復大

師宗上立石在隨州大洪山碑云了菴禪師諱宗明江東上饒

柳氏子依廬州多雲山廣化寺長老文仙薙髮至漢東卓錫于

靈濟故址時值大旱請禱於師師以禪定力默啓池龍雨亦隨

志一百五

金石十三元

十一

至是歲大有秋數年來民歌屢豐實師之惠云云湖北金石詩原元史有傳錢鼎人德五年羅應奉翰林文字九年升修撰此記在九年題將仕佐郎同知制誥史書元史有兩帖木兒不花一世祖時官四川行中書省平章政事一文宗時封宣王進封淮王又明史陳友定傳有帖木兒不花元末爲諸江廉訪使僉事皆非此隨州達魯花赤兼勸農之人也

加聖號詔碑

存正書在與國州

御篆

上天眷命皇帝聖旨蓋聞先孔子而聖者非孔子無以明後孔子而聖者非孔子無以法所謂祖述堯舜憲章文武儀範百王師表萬世者也朕纂承不緒敬仰休風循治古之良規舉追封之盛典加號大成至聖文宣王遣使闕里祀以太牢於歲父子之親君臣

志一百五

金石十三元

十一

之義永惟聖教之尊天地之大日月之明奚罄名言之妙尙資聖化祚我皇元主者施行

大德十一年七月

案右碑正書字徑一寸額篆大元二字並行下篆勅封孔子之詔六字無書人姓名在襄陽府學大成殿丹墀西南按元史武宗於大德十一年五月即位十二月丁巳始詔改明年爲至大元年此旨出於七月是以仍稱大德十一年也湖北金石詩之碑額作加封襄陽亦有此碑則作勅封馬氏所說者是也襄陽之碑今已佚矣

洪山寺塔記

在江夏

岳州巴陵縣呂仙亭土橋生長寓船居武昌花藥門河岸信士黃彥文偕室中陳氏妙道家眷等謹施中統寶鈔貳千貫文入寺建

塔此世來生福足慧足者大德十一年五月初九日山門謹題

洪山寺黃彥文等造塔記正書大德十一年五月湖北江夏黃字

黃字

武昌路大洪山崇寧萬壽禪寺伏承本路錄事司南城石隅花藥門隄上居住奉佛信士程應雷同室楊氏二孺人同男程朝瑞家眷等喜舍中統鈔壹仟貫文入于本寺命工匠結砌諸佛舍利靈濟宝塔乞保家屋清吉百事如意者口大德十一年五月口吉日謹題宣授住持建塔玉崖釋口口普潤口口立石

洪山寺程應雷等造塔記正書大德十一年五月湖北江夏黃字

黃字

黃州黃岡縣慕義鄉姜家洲居黃斬光六等郡水陸都主會悟慧真人汪覺龍同室劉氏妙堅先次舍塔一層後爲摧毀今重建再

志一百五

金石十三元

三

施中統鈔壹仟二百五拾貫文入於本寺助緣所集殊勛仰報佛恩世生生佛慧增崇者大德十一年五月日山門謹題

洪山寺汪覺龍等造塔題記正書大德十一年五月湖北江夏

黃字

蘄州小西門通義坊居水陸者主會忍辱真人曹天麟家眷等至

元二十六年八月施中統鈔五千貫入寺建塔爲摧毀今重建再施中統鈔二千五百貫所哀殊善仰報洪恩此世來生福足慧足者大德十一年六月二十四日山門謹題

按黃字訪碑錄未載此刻

武昌路江夏縣伏龍橋西蓮社弟子陳覺富同室嚴氏妙悟家眷

等與佛有因緣遇佛牙舍利瑞應寒廬一門慶幸伏觀洪山建塔舍入永鎮乾坤人天瞻仰釋教縣遠萬古長新覺富等世世生生親承佛會者丁未大德十一年九月山門謹題

洪山寺陳覺富等建塔記正書大德十一年九月湖北江夏黃字

黃字

四聖無相庵住持智福施中統鈔叁百貫文入寺煨造磚瓦添助重建寶塔用度願智福世生生福足慧足大德十一年十月口日山門題

口日山門題

洪山寺僧智福建塔記正書大德十一年十月湖北江夏黃字

黃字

洪山寺伏承武昌南城石隅長街好禮坊居奉佛信女賀氏二娘法名道慶同男戴鑑家眷等伏爲夫主戴公了菴居士存日發心喜舍中統鈔一千五百貫入于本寺添造舍利塔不期戴公了菴居士幻質告終所哀殊善乞伸超度仍冀家門清吉長幼康寧世世生生常親佛會者至大元年五月日謹題

志一百五

金石十三元

十四

洪山信女賀氏等造塔記正書至大元年五月湖北江夏黃字

黃字

山門伏承武昌路錄事司南城掃門堤上街居奉佛信士張日新同妻吳氏妙慧喜舍至元鈔壹百貫文入寺添造靈濟寶塔所祈家眷清吉長幼康寧四序三元常達吉慶者至大元年六月口日

按黃字訪碑錄未載此刻

山門伏承武昌路江夏縣城南河街居信女石氏妙修發心喜舍中統鈔壹百伍拾貫文所祈福慧者又伏承城南外關信士孔王子清同室周氏淑善發心喜舍中統鈔叁百貫助建寶塔所祈福

足慧足者延祐元年九月口口口口題

按黃字訪碑錄未載此刻

山門伏承武昌路江夏縣路白橋居女善人口口妙全發心嘉施

中統鈔口百五十貫文入于大洪山禪口口爲添助諸佛舍利靈

濟寶塔用度所冀此世他□□足慧足常親佛會者延祐元年十月日題

洪山寺妙全造塔記正書延祐元年十月湖北江夏寶字訪碑錄

作頭張國可昨自寶到洪山寺諸佛舍利靈濟寶塔一座計七層自下至上登砌結蓋一總完全二六時中仰荷佛祖龍天護佑始終清泰無魔私無報德遂舍力蓋覆第二層以報洪麻默願國可世世生生常親佛會者延祐二年十月山門題

洪山寺張國可造塔記正書延祐二年十月湖北江夏寶字訪碑錄

山門伏承武昌路南城長街好禮坊左隔居奉佛信士劉文英同母親潘氏妙壽喜舍中統鈔五百貫文入于大洪山禪寺添助諸佛舍利靈濟寶塔用度所冀世世生生常親佛會福足慧足者延祐二年十月日校寶字訪碑錄未載此刻

志一百五 金石十三元 五 至元二年 田仲寶 人 舊喜

按此刻新搜出殘碑已斷斷數字而已

案右江夏洪山寺塔記石刻八事在第三層四面牆上外向俱

方九寸五六分皆記造塔時施舍人姓氏及鈔貫數目內大德

十一年石刻五至大元年一延祐元二兩年二按中統寶鈔以

貫計者曰一貫文二貫文記中所載舍中統鈔有至二千貫者

殆一貫文也又至元十二年添造釐鈔至大二年復造銀鈔皇

慶初廢銀鈔認以至元中統並行而當時施財造塔者並只用

中統鈔豈至元鈔不利民用雖朝廷之令有不行耶再記中所

載各人里居曰踏白橋者在今治南七里曰伏龍橋西蓮社者

在今中和門內曰花藥門好禮坊者今不可考湖北金石誌注

洪山寺塔里俗相傳以為唐郭公尉遲敬德建至形諸篇什陳

大章洪山四詠亦沿其說予向疑其誤以為寺建於宋末不應

唐初先有是塔也得塔記足以證明矣金石存條考

襄陽縣學廡記

後

劉必大撰字朮魯辨正書至大元年二月湖北襄陽寶字訪碑錄按襄陽原誤作襄城今訂正字朮魯辨元史有傳作富珠哩辨字子

年此蓋其為教諭時所書也

玉泉寺鐘

存正者陽文在當陽

荆門玉泉在襄漢為大精舍山水佳勝乃陳隋智者顓禪師遺跡

之地後唱教於天台二浙終為佛隴而龕護惟謹關公雲長生為

忠臣後封王神廟食茲山感師之德以威力夜拔靈雨撼山隴撤

龕鑄移定身而歸瘞玉泉異哉公以宿願力而護法如長城巨壯

節猛烈雄偉卓千古垂之國史而英風兀泯也逮聖元更化長老

藏山珍公開開展舊規崇構堂殿作興佛事今住持霞壁瑄公襲領

其院事能辨肯心悉治之以完惟鐘舊無聲□□□化士寶鏡

遠募潭湘醴陵魯山巡檢文公率勸信人鑄就清圓而韻遠舟運

而歸蓋□發人之深省也而與□□者為福幽帶者為解脫詎可

范乎為之銘曰

聚鉄之精 鎔液而成 晨昏考擊 震霆吼鯨 霜天迎響

逼荆楚城 深發夢省 蟠螭是驚 玉泉之勝 聲振之清

祝天子壽 如日方昇

志一百五

金石十三元

夫

江西大仰山禪寺住持口陵撰

昭明 武靈威顯

壯穆義勇武安美濟王

開山智者大師

可

可

可

喉

麻

祇

可

可

可

三寶證明

案右鐘高五尺九寸圖一丈二尺在當陽縣玉泉寺住持靈壁瑄公命寺僧寶鏡遠募潭潭曜陵開鑄就舟載而歸鐘凡四面

志一百五

金石十三元

七

界為二層上層有序有銘及僧眾法名又有咒二句共六字並

音釋下層列荆門當陽官吏等及主緣施財各檀越籍貫姓氏

款則至大元年四月佛生日謹題另一面列楊氏洪張氏施舍

銀牌銀釵三行因鐘紐斷缺今置於大殿簷前院之東首地上

按王楚博古圖薛尚功鐘鼎款識諸書載三代鐘尺寸高不過

一尺又案爾雅釋器大鐘謂之鐃今高四五尺者概謂之鐃矣

湖北金石詩社 校

今揚本只上一層

東山報恩萬壽寺鐘

荆門州

荆門州東山報恩萬壽禪寺住持長老紹旣謹抽衣資命匠鑄造

鴻鐘一口重六千餘斤承鎮山門利益幽顯所冀皇圖鞏固帝道遐昌佛日增輝法輪大轉時太歲戊申至大元年八月中秋日題

案右鐘題荆門州東山報恩萬壽禪寺住持長老紹旣謹抽衣

資命匠鑄造鴻鐘一口重六千餘斤承鎮山門利益幽顯所冀

皇圖鞏固帝道遐昌佛日增輝法輪大轉時太歲戊申至大元

年八月中秋日題七十五字又題玉泉山景德禪寺住持長老

師助助緣寶鈔百伍拾兩二十二字其餘載頭首知寺監造

等僧名及鑄匠里居姓名等字鐘紐有斷痕髮皆可過懸之不

堅因翠稱為過髮鐘寺遇兵變移置於城內玄妙觀損之無音

棄諸牆角乾隆甲戌知州舒成龍重修官署頭門建造新樓覓

鐘不得諸生以此鐘告命工拭洗以火煨之則聲韻洪遠遂昇

置樓上志見州按東山寺即隋開皇十二年智叡禪師所建天寧

寺遺址久廢玉泉山在當陽縣西三十里景德寺即宋天禧五

年遣翰林學士宋綬宋祁與僧道源等同修傳燈錄處亦廢

志一百五

金石十三元

大

金石詩注

吳孝子墓碑

見本

在羅田縣獨尊山麓皇慶元年孟春月翰林待制奉議大夫兼

國史院編修官彭寅亮撰集賢殿學士朝列大夫行國子監祭

酒鄧文原書翰林學士賁德大夫知制誥兼修國史曹郁篆額

黃州府志

鐵井闌銘

存正書陽文在江夏

義井

武昌南城長街於至大辛亥仲冬眾口口軍民取用口為便利

勝可言哉皇慶癸丑季秋再口井闌其事口故記歲月以

□不朽者云耳

施主名

中統鈔伍拾兩 下模糊不可辨

築右義井欄在江夏城內長街路西東向元皇慶癸丑冶鐵成之高一尺七寸五分上口徑三尺二寸五分下口徑四尺一二分欄上義井二大字徑九寸三分其右武昌南城云云四十字十行行六字惟三八兩行五字行中有空眼一空眼四面皆具義井字之左有小字三行不辨字左又殘缺一片約去欄三分之一當必有文與小字相屬者甚可惜也是欄經始於至大四年成於皇慶二年迄今癸丑凡四百八十一年矣

湖北金石詩注

河東郡太夫人李氏墓碑

佚據雪樓集錄入

志一百五

金石十三元

尤

夫人京兆李氏金進士試長安令諱君寶之女皇贈正奉大夫護軍河東郡公諱伯德那之妻榮祿大夫平章政事商議中書省察罕之母元光壬午十有二月四日生至元戊子正月十有九日卒某月某日葬於孝感之白雲山平章在湖廣理問日買田宅於茲因葬焉至大庚戌某月追封河東郡太夫人皇慶癸丑九月以狀句文刻諸墓初長安君娶蔡氏生二女夫人居其中始元歲隨父官洛陽天兵南伐城陷家破軍帥重合刺一見大驚曰此女他日必貴問其姓曰李而帥之妻西夏主之後也亦李氏乃鞠之如己子重合刺者諸王旭烈之愛將也時河東公以班勒訖歸命數從征戰有功與重合刺同於解後以不肯代重合刺爲總管重合刺賢之以夫人歸焉因家解夫人躬節儉懷喪祭和上下正內外不動聲色而教被嫺族河東公亦未老而謝事優游鄉井終其天年

號爲善人長者人謂有警戒相成之道焉有子八人長平章也博洽經史才德過人早爲忠宣公與魯赤所知拔置幕上累遷爲湖廣行省理問改行樞密院經歷解官讀書白雲山俄爲武昌治中河南行省郎中入僉詹事院事進昭文館大學士太子府正拜參知政事尋以平章政事議中書事廉慎廣厚所至稱賢次博羅世次博樂察兒敦盛校尉百夫長次博羅堂湖廣行省宣使次博除太谷令次只兒瓦台武略將軍寶慶路達魯花赤次朵羅台性至孝樂志琴冊高尚不仕朝廷爲旌其門次乃蠻台敦武校尉邵陽縣達魯花赤子孫曾玄七十餘人皆足世其家嗚呼謹其德之至乎河東一讓夫人以歸遼基百世盛大之業夫人固詩禮之肖應也其有功於河東宜哉銘曰

志一百五

金石十三元

平

闕其芬玉韞其輝

河東郡太夫人李氏墓碑程鉅夫撰皇慶二年碑久佚按元史察罕傳暮年居德安白雲山別墅以白雲自號嘗入見帝望見曰白雲先生來也鉅夫嘗有送白雲平章序又有白雲山詩八首並見本集白雲山在孝感縣東北一百二十里

金石考

景德院田地界碑

見末

正書皇慶二年湖北當陽景德院碑

寰宇訪碑錄

案右碑額正書玉泉景德院寺常住田地界碑十二字碑詳載狀告寺內田土被佔呈驗宋紹興二十一年古蹟碑文并印信公據及奉元仁宗準奏勘明給還本寺母許隱佔各緣由又開載各莊田土逐段四至以古埋石爲界云云題元皇慶二年歲

次癸丑季冬月頭鈔錄俱正書共五十五行字徑五分上半截
尙可辨識下半截全無字蹟矣刊於名公題品碑之背面事不
相涉非碑陰例也補北金
石詩注

名公題品碑

存正書
在當陽

皇慶改元王子歲春孟玉泉當代住山佛光慧日普照永福大師
鍾山長老捧鎮山壽亭侯印龍眉虎角給寫寺圖赴宣政院蒙開
府儀同三司上柱國太尉平章政事會福院使宣政院使安普
公導趣風閣觀龍顏捧一瓣香祝萬年壽親聆天語顧問丁寧
宣賜金杯甘露馬乳奏降御寶聖旨護持住山謝恩而歸南時姑
蘇雪巖堂上止巖禪師同在京師賦詩餞別錦還荆楚榮播江吳
遠近禪門次韻賀慶繼而荆門太守奉直杜公州判忠翊李公泊

志一百五

金石十三元

三

諸名儒廣和盈軸通泉懷翁先生妙語題跋增重禪林寶藏拙
西獲觀盛事歡欣踴躍亦曾續貂迺者下有闕文當陽遠魯花
赤那懷忠翊公勸立石原起斐直述于云癸丑歲
皇慶二年夏月既望當山首座比邱住建康能仁禪寺古源實

謹題

詩饒玉泉堂上鍾山老師止巖中行頓首詩曰京師相送錦還人
紅綠交加桃李春兩袖香風雜玉殿一杯馬乳面金輪青山船覆
烟花遠寒寺珠波影新我亦離家逾歲月贈君折柳倍傷神
聞雲巖于八前舉師送行八句就和韻以寄玉泉鐫長老常
州路華藏住持山門叟詩曰振吾宗者必師人寒谷之中一
春舌本洽洽傾玉漚胷襟皎皎冰輪風生萬壑柏常翠雪霽
孤村梅正新雁過楚天無可寄說無說處且留神

江陵護國住山玉田慧林詩曰大華海作霖人寶京華富貴
春紅藥階前紫微輪玉泉銀地祥光龍
盛事新春亭千古印歸來還與主山神以上第一層
奉直大夫下有闕文勸農事杜下有闕文詩云歲裏欣逢入觀人

梅夢正春九重天上履五色面日輪宸詩
濕異重班奎龍新快快應知神
上有闕文詩曰大法從來付哲人一花冰雪陽春宗自喜明
心印召對何須擬輪朝野聲名今益重門戶再更新親裁

百葛松杉柏長成林屬地神
忠翊校尉當陽縣達魯花赤勸農事詩曰一鳴聲價便驚人
翰叢林春日月明陳祖意風雲會輪鵬班競說
曼華秀鳳閣重磨御墨新衣染天香榮書錦溪山泉石精神

志一百五

金石十三元

三

江陵承天住山下有闕文詩曰社師銀地再來人下有闕文

荆門玉泉關將軍廟中有壽亭侯印一鈕其大徑徑四寸下
連四環皆系於印上相傳云紹興中洞庭漁者得之入於潭府
以爲闕雲長封漢壽亭侯此其故物也故以歸之廟中詳見司馬知自
玉泉壽亭南雄守黃兒見臨川興聖院僧惠通印圖形爲作記
而復州寶相院又以建炎二年因伐木於三門大樹下土中深
四尺餘得此印其環并背俱有文云漢建安二十年壽亭侯印
今藏於左藏庫邵州守黃沃叔啓慶元二年復買一鈕於郡人
張氏其文正同只欠五系環耳予以謂皆非真漢物且漢壽乃
亭名既以封雲長不應去漢字又其大比他漢印幾倍之聞嘉
興王仲言亦有其一侯印一而已安得有四雲長以四年受封
當卽刻印不應在二十年尤非也是特後人爲之以奉廟祭其

數必多今流落人間者尚如此也予爲黃叔啓作辨跋一篇見贊集四筆

案右碑額篆名公題品四字下分四層俱以雲邊爲界第一層題皇慶改元壬子歲春孟玉泉當代住山佛光慧日普照永福大師鍾山長老捧鎮山壽亭侯印龍眉角綸寫寺圖赴宣政院蒙開府儀同三司上柱國太尉平章政事會福院使宣政院使安普公導趨鳳闕觀龍顏捧辦香祝萬年壽親聆天語顧問丁寧宣賜金杯甘露馬乳奏降御寶聖旨護持住山詩恩而歸爾時姑蘇雪巖堂上止巖禪師同在京師賦詩戲別錦還荆楚榮播江吳遠近禪門次韻贊慶繼而荆門太守奉直杜公州判忠翊李公泊諸名儒廣和盈軸通泉嬾翁先生妙語題跋增重叢林寶藏拙西獲觀盛事歡喜踴躍亦曾貂邇

志一百五

金石十三元

三

者下缺當陽達魯花赤那懷忠勸立石原起斐口

直述于云癸丑歲皇慶二年長月既望當山首座比邱口

住建康能仁禪寺古源寶口謹題云云又載止巖中行詩七律

一首常州路華藏住持山門叟口詩一首江陵護國住山玉

田慧林詩一首第二層題奉直大夫下缺勸農事杜下缺詩一

首又題字姓名莫辨詩一首又題忠湖校尉富陽縣達魯花赤

勸農事口詩一首又題江陵承天住山下缺詩首句祖師銀

地再來人以下字多剝落不能成章三四兩層更殘缺矣

注詩

大天一眞慶萬壽宮碑

佚據太和山紀略錄入

皇慶元年春三月京師不雨偏走羣望詔武當道士張守清禱雨

而雨明年春不雨禱而雨又禱又雨既霽既濕仍大有秋兩宮大悅初均房之閒有山曰太和又曰仙室以玄武神居之名武當踞地八百里峯七十有二最高者紫霄之峯峯之最勝者曰南巖巖前有洞天二曰太安皇巖天顯定極風天上出浮雲下臨絕調猿啼鳥嘯豺虎所家人可投足者僅尋丈許道家言龍漢之年虛危之精降而爲人修道此山道成乘龍天飛是爲玄武之神至唐貞觀益顯天下尊祀宋理宗詔道士劉真人住南巖宮不克漢東翼人魯大有隱居是山草衣菲食四十餘年救災捍患預知禍福時人神之天兵破襄漢去渡河訪道全真西絕祈隴北踰陰山至元十二年歸與道士汪眞常等修復五龍紫霄壇宇獨結茅南巖或請作宮庭曰非爾所及也其人將至矣二十一年秋九月師自陝西來年三十有一願爲弟子大有欣然曰吾遲于久矣即授道要

志一百五

金石十三元

三

明年春正月大有先法師躬執耕鑿聖山鑿谷種粟爲食繼率其徒鶉槍騶驢鳥獸通道東自山趾紋口七十里至紫霄宮五里至南巖崖北下三十里五龍宮又四十里抵山趾蒿口三月三日相傳神始降之辰士女會者數萬金帛之施雲委川赴乃構虛夷峻拔木窮谷刊石窮巖巖即巖爲宮廣殿大庭高堂飛閣庖庫寮次既嚴且備炫晃丹碧輟轉雲漢像設端備鐘鼓壯亮引以石徑蔭以杉松積工累資巨萬計歷二十餘載乃成聖田數百頃養眾萬指至大元年今上皇帝儀天興聖慈仁昭懿壽元皇太后聞師道行遣使命建金籙醮徵赴闕及禱雨輒應賜宮額天一眞慶萬壽宮置提點甲乙住持制加神父號啓玄隆慶天君明眞大帝神母號慈寧玉德天后瓊眞上仙賜師號體玄妙應太和眞人延禧敬元春二月大司徒臣羅原奉皇太后旨命師乘騎香輅還山致祭

冬十月集賢大學士臣陳灝請加賜宮額大天一眞慶萬壽宮竊惟聖天子端源清之本躬垂拱之化父天母地懷柔百神陶我萬類子育羣姓宵衣旰食可謂至德也已師以雲棲霞舉之侶而能振道濯德焦心苦志奮樹堂壇以承天庥亦可謂豪傑之士矣師聞疏果毅方嚴質茂雖大祠祭不待沐浴更衣所感必應雖身破顯寵如始居山其有道者邪若神之德廣大混沌變化無方謂列宿所鍾詎不信然臣鉅夫謹拜手稽首而獻詩曰

翼軫之墟均房開白雲義武當山根盤千里阻且艱七十二峯羅煙鬢帝遣玄武驅神姦披髮仗劍衣飄飄宵龜修蛇猛且閼乘雲而來御風還跋子望之杳莫攀眞人學道鑄堅頑飛上千仞誅榛菅幹旋天機啓天闕瓊樓珠宮翠迴環霞披霧映黃金鑲湛恩大兮帝所頒神來居之珮珂寒松蕭颯水潺湲飛香滿空霞萼

蘭願神永永哀民艱汎埽穢濁無恟瘝我皇萬歲御九寰興聖怡愉長朱顏

大天一眞慶萬壽宮碑程鉅夫撰延祐元年十月在武當山金石存佚

案碑中禱雨事仁宗紀皇慶二年三月以亢旱既久帝於宮中焚香默禱遣官分禱諸祠甘雨大注云云鉅夫傳亦稱皇慶二年旱鉅夫應詔陳桑林六事一節皆與碑合獨無元年春旱事碑可以補史闕

秦氏義田記碑

供據黃州府志錄入

秦麻城甲族秦之著曰夢弼字朝卿以其家產願末示予予忻然援筆誌之朝卿之言曰秦故是邦土著六世祖諱執中執中之子

五希申希孟希旦之世微且滅存者希尹希仁希尹之子諱耜吾曾祖也家陡埠河之南俗曰河南秦希仁之子四諱椅椅旣櫛吾從曾祖也家陡埠河之東俗曰河東秦耜之子三諱克勤克儉克家勤儉之子又微且滅存者家之子閭柱吾先君也與伯季父國棟國材云卿爲四椅概之世又微且滅存者楷之子從龍生瓊櫛之子震龍生斌瓊斌皆從季父於是秦之系者七焉方湖南瓜裂邑爲兵衝居是閒者如懸幕燕如蛛螫浮空中猝風驚雲掃潰不可支烽煙且騰弱妻稚子道棄捐相望何暇及其先人田宅耶吾河南東家錯居江左生殖厘厘宛然先疇世業荆棘其芃狐狝穿穴嚼無可如何至元丁丑邑復爲人境先君呼夢弼命之曰麻城田庶幾可復遂與季父瓊翦荆棘驅狐狝一一物色然後田之故粗可尋又十二年戊子以田之開墾者囑若于自列於大司農且

志一百五 金石十三元

三

案質劑之舊列臺之吞併者若干懇於郡及縣竭蹶經年然後復又二十八年延祐乙卯有旨准民自實田則悉頃之荒熟凡七千頃有二實於官者於是昔之復者然後定嗚呼勤哉則相謀曰吾祖自宋紹興乾道迄今三百載陵遷谷夷薄少幸無恙語有之百足之蠹不僵百尺之柯不摧奈何蠻忿觸意行道之人自爲坐取王承福輩嗤笑哉顧錯居不可合則以是七千頃者仍祖藉以眾沃樹之視歲之上下口之多寡而均其廩若縣官賦入供億百需則別時貯千餘碩於所謂新安倉以俟而族之能者遞掌之又別時三千碩爲義塾以教族之子弟至婚姻喪葬春秋坵塋之祀各有經念欲垂誡其後斯一言焉予謂古先聖王敦人倫秩天紀五宗九族之制彬彬焉德降且衰乃有親兄弟爭財物相魚肉如太史公所謂使人鼻酸雖然彼云云者直猥猥鳩梟之流耳若太山

張公藝與近世九江之陳金鑑之陸一門風義炫絕蘭編獨非人耶秦之不得如昔人勢也乃其意則昔人之遺也雖然吾何以爲朝卿贊請贊二言焉曰公曰忍予嘗過蘇天平范文正家壁臧枉焉予讀義田碑約蓋族之長者賢者持其歲之出入而不得擅其會計文正子孫得董其會計而不得親田之出入范數百口賴以不飢寒至今非其公耶若公藝書百餘字以進於唐高宗者非忍耶夫敗俗傷教之流未有不激於私而成於忍若予之二言將天壤無弊可也嗚呼秦氏子孫其毋替斯言哉

秦氏義田記碑永新龍仁夫撰黃州府志 拔仁夫元史附儒學劉誠傳

重修武安靈溪堰記碑

本見據金石存侯考錄入

重修武安靈溪堰記

金石十三元

襄陽路儒學教授何文淵撰文

武安靈溪等堰提領趙世祿書丹

襄陽等處水陸地產人戶提領丁思明篆額

堰以武安靈溪名尚矣考其地皆故中廬縣界始秦將武安君白起攻楚斷郢水灌城拔之郢後改曰夷水晉避桓溫父彝嫌名改曰蠻水迄今稱焉堰因其故竭則長渠之源也堰田三千頃唐大曆四年己酉節度使梁崇義嘗修之仍建祠宇宋至和二年乙未宜城令孫承理渠之壞塞俾復其舊爲民約束時其蓄洩南豐曾鞏知襄州遂定善令且爲之記紹熙改元庚戌都統率公淳祐十一年辛亥荆湖制置李曾伯兩命屯田官晁而完之靈溪之爲堰首受清涼河下通於木渠即古之木里溝也灌田六千頃渠始開於楚漢南郡太守王寵又鑿之宋治平二年乙巳宜城令朱紱淳

熙十二年總領蔡敵等凡兩浚治具載員貳二渠之爲利廣矣宋李后敝舊田枉是我朝至元十年癸酉既平襄漢又五年戊寅舊屯田官劉漢英其屬丁思明劉興黃漢臣等建議圖而上之東抵漢江北亦如之南際安陸則門丹西則南漳白羅消溪也有命作伍業于大護國仁王寺以爲隆福宮焚修之資官以提領歲課所入之租大德三年己亥改營田提舉司建六年壬寅中政院同僉李英奉旨出內府金募民修築斬伐竹木蘗裡上石立隄防障潰完崩缺淪壟闕心計手授略無寧暇是以不數月而告成若神明有以陰相之者所謂鋪雲渠雨之謠亦無愧德於鄭國也時爲使之貳則有大都民匠總管乞台含山縣尹井居仁任簿書之責則有院掾高奎贊佐其役則有襄陽總管王良嗣提控案牘鄭謙監營田也里都目蕭興祖奔走供億則有提領王從龍張明美秦

志一百五

金石十三元

天

文彬等凡其徒則前提領丁思明也至大庚戌夏六月大水堰復決官爲葺理延祐改元甲寅文淵來守襄漢越四年丁巳春二月提舉趙珣偕都目王輩吏黃白榮蕭榮來曰雨堰之修厥績甚茂乃吾元之勝事苟不紀之以至落莫無聞我輩責任其責子司文衡者敢不屬筆至再三而愈爲謹按志書襄之西南諸堰獨武安靈溪爲大跡其始所作戰國之書距今一千七百五十餘年其間起廢更新爲利國便民之舉而所可知者纔數人爾其不可知而同草木湮腐者夥矣何則漢召信臣杜詩相繼爲南陽開通溝瀆以廣灌溉修治陂池以拓土田民遂有父母之稱厥後征南將軍杜預鎮襄陽修召之故蹟引潢消以浸田萬頃原庶賴之亦號杜母且召之故蹟在兩陽者預猶爲之矧茲二渠適屬襄土反無其功耶嗚呼史籍無傳則亦已矣後之遊是職者不墜李侯之功

而踵父母之稱於召杜者豈無其人哉既以所聞而第之識其歲月仍系以銘焉銘曰

惟水於田利實至大蓄泄以時人力是賴武安之功壅陂作隄瀏瀏長渠發源斯在伊溪而靈湜湜其派木里載通龍興靡礙宋散奄田以灌以溉襄樊既平歸我昭代爲祝釐貢塵清國泰矯矯李侯辨而從茲出內府金玉視功載木石卽工版溝絡滄井井歷歷萬頃其界輪租於公民亦大資伐石勒銘俾永無壞

武寧靈溪二堰記何文淵撰趙世禎正書延祐四年湖北襄陽

字右碑連額高六尺五寸寬一尺九寸題重修武安靈溪堰記
提領趙世禎書丹前襄陽等處水陸地產人戶提領丁思明篆額吉重修武安靈溪堰記八篆字文後系銘三十句句四字又

志一百五

金石十三元

元

題延祐四年十一月日立末後書官階姓名案武安堰卽曾子固所記長渠之源水出荆山康狼山之閒左傳所稱鄢水水經注曰夷水晉改曰蠻水者是也堰始於秦白起故稱武安靈溪堰首受清涼河水通木渠二堰漚田將萬頃蓋楚北水利之大者大德六年中政院同僉李英奉旨出內府金修築延祐四年文淵乃爲之記其載一時官職頗詳考元史至元八年立護國仁王寺鎮遏提舉司卽記所云作恆業於仁王寺爲隆福宮焚修之貢官以提領歲課所入之租者也史稱至元十九年改鎮遏提舉司爲鎮遏所又改諸色人提領所後改爲仁王營膳司今記云大德三年改營田提舉司則知元史失載此制也又至大中陞都總管府爲會福院置院使五員掌仁王寺及昭應宮事天曆後改爲會福總管府定置達魯花赤一員總管一員

同知一員治中一員府判一員經歷知事提控案牘各一員今記所載經歷一人提控案牘一人與史制同其同知二人與史制同知府判各一員者異又有僉事提舉都目之類皆史文所無蓋史僅據天曆以後之制延祐中亦僅載院使而不及其屬得此記足以補元代會福院官秩矣今以各衙名具列於左以備參證 中政院同僉李英 大都民匠總管乞台 含山縣尹井居仁 院掾高奎贊 襄陽總管王良嗣 提控案牘鄭謙 兼營田也里 都目蕭興祖 提領王從龍 張明義 秦文彬 右大德 武德將軍僉會福院事李彥 中憲大夫僉會福院事余洪 大中大夫同知會福院事李伯顏察兒 武德將軍同知會福院事塔海 資善大夫會福院使洪溥 資善大夫會福院使塞吉刺德 資政大夫會福院使忽馬兒不

志一百五

金石十三元

三

花 銀青榮祿大夫司徒會福院使鞏眞吃刺思 金紫光祿大夫徵政使章慶使中都威衛使領隆禧院殊祥院羣牧監駝用監事提調左都威衛使司事會福院使識烈門 將仕佐郎會福院照磨管勾發口架閣事卜君瑞 將仕佐郎會福院都事張恕 承直郎會福院都事王克諧 從仕郎會福院經歷張榮祖 敦武校尉會福院判官魏珍 武略將軍會福院判官章寶 司吏劉榮祖 張嗣壽 張復 柯瑄 徐文彬 呂宏仁 許紹達 黃伯榮 蕭恭 李世榮 閻益 庚應 詳 典史符宗信 李守德 都目王翬 提控案牘陳行務 襄陽等處營田副提調趙琦 提領李榮 副提領史楨 同提領劉從明 武安靈溪等堰提領趙世禎 監造碑襄陽管民提領丁燁 監修堰前本司都目洪甫 南漳縣地產提